

七四

書

子史鈎沈

逸書考

劉彧長沙耆舊傳

甘泉黃奭學

劉壽

太尉壽少遇相師相曰凡鼻爲氣戶君鼻大
貴之象順帝時爲洛陽令歲時亢旱天子祈
雨不得壽暴身階庭告誡引罪自晨至中紫
雲沓起甘雨登降人爲之歌曰天久不雨蒸
人失所大王自出祀令特著精符感應滂沱
下雨

文虔

文虔字仲孺為郡功曹時霖雨廢民業太守
憂悒召虔補戶曹掾虔奉教齋戒在社三日
夜夢見白頭翁謂曰爾來何遲虔具白所夢
太守曰昔禹夢青繡衣男子稱滄水使者禹
知水脉當通若掾此夢將其比也明日果大
霽

徐偉

徐偉奴善叛知識欲為偉售之偉曰不得奴

往當復逃亡豈可虛受其價廉平義正若此

虞芝

虞芝州命辟南陽從事太守張忠連姻王室
罪名入重芝依法執按刺史畏勢召芝芝曰
吾年往志盡譬如八百錢馬死生同價且欲
立效於明時耳遂投傳去

辟言

鑿頭長沙老曹傳

子史鈎沈

逸書考

晉張隱文士傳

甘泉黃爽學

成公

成公綏口不能談而有劇問以筆荅之見其
深智

張儼

張儼朱異張純三人共詣驃騎將軍朱據據
聞三人才名告各爲賦然後乃坐純乃賦席
曰爲爲冬設簟爲夏施揖讓而坐君子攸宜

孔融

孔融年四歲與諸兄食梨輒取其小者人問其故答曰我小兒法當取小者由此宗族奇之

江統

江統召補洗馬每有疑滯大事章奏表議輒為同官所推常為之作草

束皙

束皙晚應司空除著作佐郎撰晉書草創三

帝紀及十志

孫盛

孫盛為秘書監篤尚好學自少長常手不釋卷既居史官乃著三國陽秋

張純

吳郡張純少有令名嘗謁鎮南將軍朱據據令賦三物然後坐純應聲便成文不加點

王肅

王肅對明帝曰司馬遷記事不虛美不隱惡

劉向揚雄服其敘事有良史之才謂之實錄

賈謐

博

賈謐與愍懷太子傳爭道成都王厲聲曰皇帝太子國之儲君賈長淵何得無禮

張衡

張衡拜侍中恒居帷幄從容風議拾遺左右

劉禎

劉禎字公幹少有才辨常豫魏文帝座見甄后不伏武帝嘗怒配上方武帝輦至上方觀

此下原本
欠一頁

作署禎故匡坐正色磨石不仰武帝問曰石何如禎因得喻已自理乃跪曰石出自荆山立岩之巔外有五色之章內有曰甘羅十二楊烏九齡昔有二子今則桓庄參差 蹤異世齊名麟即答曰邈矣甘羅超等絕倫卓彼楊烏世稱賢嗟予蠢弱殊才棄年仰慙二子俯愧而

而字誤
下缺字

顧榮

顧榮兼侍中安慰河北以前後功封嘉興伯

求急還既造江渚欣然自得

晉書劉琨傳
琨字元瑜

子史鈎沈

逸書考

司馬彪零陵先賢傳

甘泉黃奭學

劉巴

劉先主欲遣周不疑就劉巴學巴曰昔游荆
北時涉師門記問之學不足紀名猶天之南
箕虛而不用賜書乃欲賢甥摧鸞鳳之翮游
燕雀之宇將何以啟明之哉

鄭產

鄭產零陵人爲白土鄉嗇夫時民家產子一

土

司馬彪零陵先賢傳一

蔡倫字敬零桂人少負才名官常侍造紙

有聲

歲輒出口錢以故貧家鮮有舉子者產勸百姓勿子口錢皆為代出郡縣具以聞上錢因得免改白土曰更生生鄉

多一平
字吉剛

葉譚

葉譚字令思零陵人少負節操未幾舉孝廉王濟謂譚曰君吳楚人也亡國之餘有何秀異而應斯舉譚曰君不聞明珠大貝獨生江海之濱乎為之武子默然

蔡倫

蔡倫字仲敬零桂人少負才名官常侍造紙有聲

卷之四 雜錄
甘泉黃奭學
甘泉黃奭學

子史鈎沈

鄒閔甫廣州先賢傳

甘泉黃奭學

逸書考

頓琦

鄒

頓琦至孝母喪感慕哀聲不絕有飛鳧白鳩棲廬側見人即去見琦而留又丁密遭父艱致飛鳧一雙游廬旁小池見人則馴附如家所畜後遭母喪密歸至所居一宿故雙鳧復游戲池中

廖冲

鄒閔甫廣州先賢傳一

卷之五 雜錄
詩馬戲零陵耆舊傳
自唐百屋少之賢在

廖冲明經修行武帝好儒學招天下名士冲與焉比上耄荒諸子皆嚚汰冲歎曰根本撥矣天下能久治乎

五 梅銷

梅銷家湏水上從吳芮定百粵有功梅嶺因銷封地得名後銷將庾勝兄弟居守又名大庾嶺非謂嶺上有梅也

羅威

羅威性至孝遇寒常以身溫蓆母乃寢夏月

必撤帳而卧曰吾供蚊蚋恐去齧老母也遇老稚負戴於途卽為代其任邑人化之

晉書卷一百一十五
黃瑒傳

子史鈎沈

逸書考

晉常璩西州後賢志 甘泉黃奭學

平

春

聞之善志者述而不作序事者實而不華是以史遷之記詳于秦漢班生之書備乎哀子皆以世及事邇可得而言也西州自奉聖晉後俊瑋倜儻之士或修德讓行止從時或播功立事羽儀上京策勲王府甄名史錄侔于先賢會遇喪亂軋邁華夏顛墜典籍多缺族祖武平府君愍其若斯乃操簡援翰拾其遺

晉常璩西州後賢志一

闕然但言二蜀巴漢未列又務在舉善不必
珍異揆之耆舊竹素宜闡今更撰次損益足
銘後觀凡二十八綴之斯篇雖行故墜沒大
較舉其一隅

衛尉散騎常侍文立廣休

散騎穆穆誠感聖君

西河太守柳隱休然

西河烈烈乘義居真

漢嘉太守司馬勝之興先

漢嘉克讓謙德之倫

郫令州王簿常助修業

郫君謇諤自固底身

江陽太守何隨季業

江陽皎皎命世清淳

梓潼太守王化伯達

梓潼矜矜在險能平

太子中庶子陳壽承祥

庶子稽古遷固並聲

漢中太守李宓令伯

漢中避暉才蓋羣生

犍為太守杜軫超宗

犍為印印友于是令

給事中任熙伯遠

給事溫恭尙德茂榮

中書郎王長文德雋

中書淵識寶道韜明

大長秋壽良文淑

長秋忠肅明允篤誠

大司農西城公何攀惠興

司農運籌思侔良平

少府成都威侯李毅允剛

少府果壯文武是經

衡陽內史楊邠岐之

衡陽固節隱然不傾

尙書三州都費立建熙

尙書準繩古之遺直

尙書準繩古之遺直

尙書準繩古之遺直

尙書準繩古之遺直

晉書地理志卷之四十四

湘東太守常騫季慎

湘東汎愛仁以接物

武平太守常寬秦恭

武平疊疊冰清玉嶷

揚烈將軍梓潼內史譙登慎明

闕

江陽太守侯馥世明

闕

五公

司空何武

司空趙戒

太尉趙謙

司徒趙溫

司空張皓

子史鈎沈

晉常璩梓潼士女志

甘泉黃奭學

逸書考

文齊字子奇梓潼人也孝平帝末以城門校尉為犍為屬國遷益州太守造開稻田民咸賴之公孫述時拒郡不服述拘其妻子許之公侯招之不應乃遣使由交趾貢獻河北述平世祖嘉之徵拜鎮遠將軍封成義侯南中咸為立祠子忱有令德為北海太守李業字巨遊梓潼人也少執志清白太守劉

咸慕其名召爲功曹不詣咸怒欲殺之業徑入獄咸釋之公孫述累聘不應述怒遣鴻臚尹融持毒藥酒逼之業笑曰名不可毀身可殺不可辱也遂飲藥死述耻殺名士賜錢百萬子翬逃匿不受建武中察孝廉爲遂久令景毅字文堅梓潼人也太守丁羽察舉孝廉司徒舉治劇爲沅陽侯相高陵令立文學以禮讓化民遷大守上封吏守闕請之二三年不絕以子顧師事少府李膺膺誅自免久之拜

千

成都令遷益州太守上封吏民涕泣送之至沮者七百人白水縣者三百人值益州亂後米斗半錢役至恩化暢洽比去米斗八錢鳩鳥巢其廳孕育而去三府表薦徵拜議郎自免歸牧州劉焉表拜都尉爲人廉正疾淫祠敕子孫惟修善爲禱仁義爲福年八十一而卒

楊克字盛國梓潼人也少好學求師遂業受古學於扶風馬季長呂叔公南陽朱明叔穎

荀

川白仲職精究七經其朋友則潁川荀慈明李元禮京兆羅叔景漢陽孫子夏出陽王叔茂皆海內名士還以教授州里常言圖緯空說去事希畧疑非聖不以爲教察孝廉爲郎卒

撰

景鸞字漢伯梓潼人也少與廣漢郝伯宗蜀郡任叔木潁川李仲渤海孟元叔遊學七州遂明經術還乃俱禮畧河洛交集風角雜書月令章句凡五十餘萬言太守某貺命爲功

伯

梁年

曹察孝廉舉有道博士徵不詣然上陳時正言經得失又戒子孫人紀之禮及遺令期死葬不設衣襟務在節儉甚有法度卒終布衣張壽字怡禧涪人也少給縣丞楊放家放爲染賊所得壽求之積六十始知其生存乃賣家鹽井得二十萬市馬五匹往蜀放道爲羗所劫掠盡几往三年計道遠不可得數乃單身詣泣泣自說衣其屢求遣放隨還郡名爲中侯詔書除巫尉以身佩印盡來所有

卿賊哀

名

弟

財物與三第復爲郡掾章平賦役歲出三百五十萬遷功曹吏徙五官掾卒

李餘涪人父早世兄夷殺人亡命母慎當死餘年十三問人曰兄弟相代能免母否人曰趣得一人耳餘乃詣吏乞代母死吏以餘年小不許餘因自死吏以白令令哀傷言郡郡上尙書天子與以財幣圖畫府廷

寇祺字宰朝梓潼人也與邑子侯蔓俱學涼州蔓後爲渤海王冢所殺祺仗劍至冢家值

冢病冢謝曰君子不掩人無備安有爲友報讐殺病人也祺乃還久之復往殺冢由是察孝廉爲灞陵令濟陰相

王晏字叔博涪人也與廣漢張昌甯叔受業大學昌爲河南呂條所殺晏叔殺條事在叔解

李助字翁君涪人也通名方校醫術作經方頌說名齊郭王

以上多闕文

李仁字德賢涪人也益部多貴今文而不崇

章句仁知其不博乃遊學荊州從司馬德操
宋仲子受古學以修文自終

杜微字國輔涪人也任安弟子先主定蜀常
稱龔闔門不出建興二年丞相亮領州牧選
爲主簿輿而致之亮引見與書誘勸欲使以
德輔時微固辭疾篤亮表拜諫議大夫從其
所志

尹默字思潛涪人也少與李仁俱受學司馬
徽宋忠等博通五經專精左氏春秋自劉歆

條例鄭衆賈逵父子陳元方服虔注說畧皆
誦述希復案本以左傳授後主後主立拜諫
議大夫丞相軍祭酒子宗亦爲博士耳
李譔字欽仲仁子也少受父業又講問尹默
自五經四部百家諸子伎藝筭計卜數醫術
弓弩機械之功昔致思焉爲太子中庶子右
中郎將著古文周易尙書毛詩三禮左氏注
解太玄指依則賈馬異于鄭玄與王肅初不
相見而意歸多同

李福字孫德涪人也先主初爲成都令建興九年遷巴西太守後爲江州都督陽武將軍人爲尙書僕射封平陽亭侯延熙初以前監軍司馬福同郡梓潼文恭仲寶亦以才幹爲收亮治中從事丞相參軍

季姜梓潼文氏女將作大匠廣漢王敬伯夫人也少讀詩禮敬伯前夫人有子博女紀流二人季姜生康稚芝女始示凡前後八子撫育恩愛親繼若一堂祖母性嚴子孫雖見宮

官

二千石猶杖之婦跪受罰于堂歷五郡祖母隨之官後以年老不願遠鄉里姜亦常侍養左右紀流出適分已侍婢給之博好寫書姜手爲作袞于是內門相化動行推讓博妻隄爲楊進及博子遵婦蜀郡張叔紀服姑之教皆有賢訓號之三母堂亡義赦康稚芝婦事楊進如舅姑中外則之皆成令德季姜年八十一卒四男棄官行服四女亦從官舍交赴內外官冕百有餘人當時榮之王氏遂世興

常璠村澤十女志
常璠村澤十女志

杜慈涪杜季女巴郡虞顯妻也十八適顯顯
亡無子季欲改嫁與同縣楊上慈曰受命虞
氏虞氏早亡妾之不幸當生事賢姑死就養
成室存亡等但欲在終供養亡不有恨願不
易圖季知不可告而奪也乃密謀與強逼迫
之慈縊復死

敬揚涪郭孟妻楊文之女也始生失母八歲
父爲梁盛所殺無宗親依外祖鄭行年十七
適孟孟與盛有舊盛數往來孟家敬揚涕泣

謂子孟曰盛凶惡薄命爲女非男比但惡讐未
報未嘗一日亡也雖婦人拘制然父子恩深
恐卒狂惑益君禍患君宜踈之孟以告盛盛
不納安漢元年盛至孟家敬揚以大杖打殺
盛將自殺孟止之與俱逃涪令雙勝出追聞
其故而止安尉二門會赦得免中平四年涪
令向遵爲立圖表之

子史鈎沈

逸書考

晉常璩漢中士女志

甘泉黃奭學

鄭子真襄中人也立靜守道履至德之行乃
其人也教曰忠孝愛敬天下之至行也神中
五徵帝王之要道也成帝元男大將軍王鳳
備禮聘之不應家谷口世號谷口子真亡漢
中與立祠

衛衡字伯梁南鄭人也少師事隱士同郡樊
季齊以高行聞郡九察孝廉公府州十辟公

男

董過

常璩地理志

車三徵不應童扶任安從洛還遇見之曰京師天下之市朝也足下猶之人耳何其在遠以虛名屢動徵書若至中國則價盡矣衡笑曰時有險易道有汙隆若樊季齊楊仲桓雖應徵聘何益于時乎苟無所則尼軻恹恹是以君平子真不屈其志其子之徒也哉吾何虛假之有安笑服之敬其言也

鄧先城固人也景帝時御史大夫晁錯患諸侯强大建議減削會吳楚七國謀反假言誅

入

予

錯故吳相袁盎讚帝殺之拜盎太常使赦七國七國遂叛鄧公為謁者人言軍事問曰七國聞晁錯死罷兵不對曰吳王即山鑄錢煮海為鹽謀反積數十年錯患之故欲削弱為萬世策諸侯謀之計畫始行身死東市諸侯莫憚內杜忠臣之口外為諸侯報怨臣竊為陛下不取也帝歎息曰吾亦恨之武帝初偽九卿

張騫城固人也為人强大有謀能涉遠為武

常璩漢中地理志

常璩漢中地理志

帝開西域五十三國窮河源南至絕遠之國
拜校尉從討 有功遷衛尉博望侯于是
廣漢緣邊之地通西南之蹇豐絕遠之貨令
帝無求不得無思不服至今方外開通騫之
功也

况下脫廿字

張猛字子游騫孫也師事光祿勳周堪以光
祿大夫給事中侍元帝帝當廟祭濟渭欲御
樓船御史大夫薛不悅猛進曰主聖則臣直
今乘船危就橋安聖主不乘危故大夫言之

帝曰曉人不當如是也後與周堪俱以中正
為幸臣弘恭石顯所讚毀乍出乍徵堪平和
猛卒自殺

尸足

楊王孫城固人也治黃老家累千金厚自奉
養臨終告其子曰我死裸葬以復吾真但為
布囊盛尺入地七尺既下從兄脫之以身親
土其子不忍見王孫友人祁侯諫之王孫曰
厚葬無益死者也夫俾財送死今日入明日
發此真無異暴骸中原裹以幣帛隔以棺槨

裹

常璩漢中地理志

三

舍以珠玉後腐朽乃得歸土不可故吾欲早
就真宅邗侯無以易卒躃葬如其言

李邵字孟節南鄭人也少明經術為郡侯吏
和帝遣使者二人徵行至蜀宿邵侯舍邵為
出酒夜卧露坐邵問曰君來時寧知二邵何
日發來耶二人怪問之邵指星言曰有二使
星入益部後一人為漢中太守命為功曹察
孝廉遂馳名為尚書郎徙左丞稍遷至尚書
僕射尚書令拜司空又進司徒清公直亮當

使微

世稱名順帝世薨

李固字子堅邵子也陽喜三年以對策中充
拜議郎大將軍梁商后父也表為從事中郎
授荊州刺史值州部有亂至州先友其賢者
南陽鄭叔躬宋孝節零陵支宣雅表薦長沙
桂陽太守趙歷卒已奏免江夏南郡太守孔
疇高賜等州士自然安靜按本傳固奏高賜
等賊穢賜等懼罪
厚賂梁冀仍徙徙太山太守克寧盜賊入為
固太山太守將作大匠多致海內名士南陽樊英江夏黃

何

常璩漢中士女志

瓊廣漢楊厚會稽賀純光祿周舉侍中杜喬
陳留楊倫河南尹存東平王憚陳國河臨清
河房植等皆蒙徵聘轉大司農順帝崩太后
臨朝拜太尉與后弟大將軍梁冀大傅趙峻
並錄尚書冲帝崩時徐揚有盜賊太后欲不
發喪須召諸王至固爭不可言國家多難宜
立長君太后欲專權乃立樂安王爲質帝質
帝崩太后復與梁冀謀所立固與司徒南郡
湖廣司空蜀郡趙戒書與冀引周勃霍光立

文宣以安漢之策閭鄧廢立之禍言國統三
絕期運厄會興崩之漸在斯一舉宜求賢王
親近不可寢嘿也冀得書召公卿列侯議所
立三公及鴻臚杜喬僉舉清河王蒜冀然之
奏御太后中常侍曹騰私恨蒜說冀明日更
議廣戒從冀固與喬必爭蒜宜立中興才也
且年長識義必有厚將軍冀不聽策免固喬
歲餘取下獄以無事出之京師市邑皆稱千
萬歲冀惡其爲人所善更奏擊之固書與二

去軍字

公曰吾欲扶持漢室使之比隆文宣何圖梁
冀軍迷謬諸子曲從以吉物為凶成事為敗
漢家衰微從是始矣將軍亦有不利吾雖死
上不慚于天下不愧于人求義得義死復何
恨遂自殺二公得書歎息流涕士民咸哀哭
之桓帝無道冀尋受誅漢家遂微政在闔官
無不思固也

徵

張亮則字元修南鄭人也為牂牁太守威著
南土永昌越巂 謀欲反畏則換臨其郡相

徵

諫而上號曰臥虎以成狄勲遷護羌校尉徵
拜扶風又換臨桂陽皆平盜賊巴郡板楯反
拜隆集校尉鎮漢中徙梁州刺史又為魏郡
太守所在稱治靈帝崩後大將軍袁紹表為
長史不就丞相曹公拜度遼將軍

官

趙宣字子雅南鄭人也出自寒微以溫良博
雅太守隗為楊文方深器異之遂察孝廉宮
至隗為太守

琰

趙瑤字元珪琰字稚珪凡七兄弟宣子也皆

第琰

不就

卒
去卒字陳
綱頂格

以令德著聞瑤少有公望瑤始為緱氏袁趙
二公相與書曰趙瑤在緱氏猛虎歸迹百里
均耳叔平何難遷扶風太守徙蜀郡司空張
溫謂之曰昔弟五伯魚徙蜀郡為司空掃吾
弟以待足下矣瑤曰諾尋換廣漢卒琰始為
青州刺史部下清肅徒梁相徵拜尚書不就
卒陳綱字仲卿成固人也少與同郡張宗愛
學南陽以母喪歸宗為安眾劉元所殺綱免
喪往復之值元醉卧還須醒乃殺之自拘有

受

司會赦免三府並辟舉茂才拜弘農太守初
至有兄弟自相責引退是後無訟者在官九
年卒天子痛惜賜家錢四十萬

李法字伯度南鄭人也桓帝時為侍中光祿
大夫數表宦官太盛椒房太重史官記事無
實錄之才虛相褒述必為後笑帝怒免為庶
人恬然以咎失為己責久之徵拜汝南太守
遷司隸校尉湛然無自得之容李燮

李燮字德公太尉固子也父死時二兄亦死

去二字

家常

燮爲姊所遣隨父門生王成亡命徐州傭酒家酒知非當人以女妻之延熹二年梁冀誅後月經陽道暈五車史官上書昔有大星升漢而西捲舌揚芒迫月熒惑犯帝座則有大臣枉誅星在西方太尉固應之令暈如之宜有赦命錄其遺嗣以除此異于是下赦燮得返舊四府並辟公車徵議郎與趙元珪潁川賈偉節荀慈明張伯愼爲友伯愼爲潁川太守與慈明交相言論偉節與焉京師以爲臧

今

否伯愼問趙元珪曰德公所言何元珪曰無言也伯愼追歎曰當如德公兒輩徒靡沸耳慈明亦寤而心變拜東平相國王爲黃巾所沒得出天子復封之燮以爲不可果敗遷京兆尹時人爲之語曰李德公父不欲立帝子不欲立王

陳雅字伯臺成固人也靈帝時爲諫大夫闔宦用事上疏曰昔孝和帝與中常侍鄭衆謀誅大將軍竇憲由是宦官秉權安帝幼冲和

超

熹太后兄大將軍鄧騭輔政太后適崩中常侍江京等殺騭安帝登遐黃門孫程又殺車騎將軍閻顯孝桓帝又與中常侍單超等共誅大將軍梁冀陛下卽祚太傅陳蕃大將軍竇武尙書令尹勲等欲誅宦官絕其奸擅盡忠王室建萬世策機事不密爲中常侍未瑀等所殺此卽陛下所見今宦官強盛威傾人主天下鉗口莫敢言者海內怨望妖異並作四方兵起萬姓辛苦陛下尙可以安奈後嗣

朱

何帝不省納出爲巴郡太守年七十五卒臨終戒其子日期運推之天下將大亂雄夫力爭無以資財爲意吾亡依山薄葬亡歲餘靈帝崩大將軍何進復爲黃門所殺海內果亂終成三國也

閻憲字孟度成固人也名知人爲綿竹令以禮讓爲化民莫敢犯男子杜成夜行得遺物一囊中布錦二十五疋求其主還之曰縣有明君何敢負其化童謠歌曰閻尹賦政旣明

震

且景去苛去辟動以禮讓遷蜀郡民泣涕送之以千數

李歷字季子太尉固從弟也少修文學性行清白與鄭康成陳元方齊名弱冠拜新城令朝請都督

程苞字元道南鄭人也光和二一年上計吏時巴郡板楯反軍旅數起征代頻天子患之訪問益州計考以方畧苞對言板楯忠勇立功先漢爲帝義民羗入漢中輒蒙其夕東征南

戰世有功勞由不料卹以致叛亂非有僭盜能相羣殺兵臨之未必卒得不如但選明能太守恩信懷服自然安定矣天子從之卒如其言後在道卒

祝龜字元靈南鄭人也年十五遠學汝隸及太學通博蕩遠能屬文太守張府君奇之曰吾見海內士多矣無如祝龜者也州牧劉焉辟之不得已行授萌長撰漢中耆舊傳以著述終

達

力

段崇字禮高南鄭人也太守河間鄭厖命爲主簿永初四年涼州羗反溢入漢中從厖屯褒中 東攻厖欲戰崇諫不可願固壘待之厖不聽出戰敗績崇與門下吏王宗原展及子勃兄子伯生推鋒死戰衆寡不敵崇等皆死羗遂得厖殺之

士待

程信字伯義南鄭人也時爲功曹守居駟來赴難殞殮厖喪送還鄉里訖乃結故吏冠蓋子弟二十五人言共報羗各募敢死十以得

九原

時太守鄧成命信爲五官元初二年 復來信等將其同志率先奮討大破之信被八創死天子咨嗟元初五年下詔書賜信崇家穀數千斛有王宗厚展及嚴孳李容姜濟陳巳曹廉勾矩劉旌丸人皆以令義爲鄭厖所命王宗原展與厖同死孳容等七人與信共并命詔書旣賜崇信家又賜九子家穀各五百斛給死事

燕邠字元侯趙嵩字伯高南鄭人也陳調字

葭

循

慟循

歎

固

元化仲卿孫也邠為刺史卻儉從事使在葭
萌與從事董馥張胤同行儉為黃巾賊王饒
趙播等所殺邠聞故哀動說馥胤赴難二子
不可邠難曰使君已死用生何為獨死之牧
劉焉嘉之為圖象學宮誅馥等嵩事太守蘇
固固為米賊張修所疾殺嵩痛之仗劍直入
修營殺十餘人幾獲修死陳調少尙遊俠聞
死聚賓客百餘人攻修大破之進攻修營乃
與戰以傷死又有陳術字申伯作者舊傳者

也失其行事歷新城魏興上庸三郡太守及
錫光等不列也

穆姜安衆令程祇妻司隸校尉李法姊也祇
前妻有四子興敦觀豫穆姜生二子淮基祇
亡興等憎惡姜姜視之愈厚其資給六子以
長幼為差衣服飲食凡百如之久興等感寤
自知失子道謁南鄭獄受不愛親罪太守嘉
之復除門戶常以二月八日社致肉三十斤
酒米各二斛六斗六子相化皆作令十五人

凡

州郡察舉基字稚業特雋免爲南郡太守
秦瑛南鄭楊相妻大鴻臚劉巨公女也有四
男二女相亡教訓六子動有法矩長子元珍
出行醉母十日不見之曰我在汝尙如此我
亡何以師羣弟子元珍叩頭謝過次子仲珍
白母請客旣至無賢者母怒責之仲珍乃革
行交友賢人兄弟爲名士秦瑛之教流于三
世四子才官隆於先人故時人爲語曰三苗
不止四珍復起

杜秦姬南鄭人趙宣妻也生七男七女若元
珪稚珪有望五人皆令德其教男也曰中人
情性可上下也在其撿耳若放而不撿則入
惡也昔西門豹佩韋以自寬宓子賤帶莖以
自憲故能改身之恒爲天下名士戒諸女反
婦曰吾之委身在乎正順及其生也恩自于
撫愛其長之也威儀以先後之體貌以左右
之恭敬以監臨之懃恪勸之孝順以內之忠
信以發之是以皆成而無不善汝曹庶幾忽

及

以

勿

忘吾法也後七子皆辟命察舉牧州守郡而漢中太守南鄭令多與七子同歲季考上計無不修敬泰姬執子孫禮

禮珪成固陳省妻也楊元珍之女生二男長娶張度遼女惠英少娶荀氏皆貴家豪富從婢七八資財自富禮珪敕二婦曰吾先姑母師也常言聖賢必勞民者使之思善不勞則逸逸則不才吾家不爲貧也所以粗食給吾者使知苦難備獨居時二婦再拜奉教從孫

奉上微慢珪抑絕之感悟革行遭亂流行宗表欲見之必自嚴飾從子孫侍婢乃引見之曰此先姑法也四時祭禮自親養牲釀酒曰夫祭禮之尊也年八十九卒惠英亦有淑訓母師之行者也

文姬南鄭趙伯英葬太尉李固女也父爲梁冀所免兄憲公李公罷官歸文姬歎曰李公滅矣乃與二兄議匿弟爨父門生王成亡命徐州涕泣送之謂成曰託君以六尺之孤若

漢中士女志

季

李氏得嗣君之名義參于程杵矣久之遇赦
燮得還行喪服闋勅之曰先公爲漢忠臣雖
死之日猶生之年梁冀以族弟幸得濟豈非
天乎慎勿有一言加梁氏加梁氏則連主上
是又掇禍也奉行之徒成在徐州各異處傭
賃而私相往來成病亡燮四時祭之

陳順謙成固人也順謙適鄧令曹寧十九寡
居長育遺孤八十餘卒兄弟陳規著書歎述
之惠謙適張亮則在扶風官下吏白欲重禁

嚴防以肅非元修訪于惠謙惠謙曰恢弘德
教養廉免耻五刑三千蓋亦多矣又何加也
兄弟伯思學仙道惠謙戒之曰君子疾沒世
名不稱不患年不長也且夫神仙愚惑如繫
風捕影非可得也伯思乃止陳伯臺稱云女
尙書之後耳

禮修趙嵩妻張氏女也姑酷惡無道遇之不
以禮修終無愠色及寧父母父母問之但引
咎不道姑卒感寤更慈愛之鄉人相訓曰作

惡

常璠漢中世女志

婦不當如趙伯高婦乎使器姑知變可謂婦師矣後姑病女來省疾姑卻之曰我死固當絕于賢婦手中後遭米賊嵩死乃碧塗面亂首懷刀託言病賊不逼也養遺生女依父叔立義終身者也

韓樹南南鄭人趙子賤妻固子賤初爲郡公曹李固之誅詔書下郡殺一子憲公季公太守知其枉遇之甚寬二子託服藥死具棺器欲因出逃子賤畏法赦更驗實就殺之及

固小子燮得還子賤慮燮報仇賃人刺之燮覺告郡殺子賤初樹南諫子賤子賤不從及臨死許其并命兄弟媿侍婢視守之經百餘日乃怠曰兄媿念一死萬不得生不敢復圖死也上下以爲信然無幾時子幕下自殺

常璩漢中士女志

律